

23. 15-8



Հ. Յ. ԳԱՐԵՎԱԿՑՈՒԹԻՒՆ

ԾՐԱԳԻՐ

ՎԱՐԵՐԱՑԻԱՆ Վ ԸՆԴՀԱՆՈՒՐ ԺՈՂՈՎԵՆ

ԱՐՏԱՍՊԻՐԱ

ՀԱԽԱՆՈՒԹԵԱՆ ԱՐԵՎՄԱՆ ԵՎԻԾՈՒ

1907 ԿՈՎՈՎԻ ՀԱՅԱՍՏԱՆ
ԿՈՎՈՎԻ ՀԱՅԱՍՏԱՆ

Հայու.

Հ. Յ. ԳԱՐԵՎԱԿՑՈՒԹԻՒՆ

1915

ՊՕՍԹԱՀԱՆ

Ն. 3. ԴԱՇՆԱԿՑՈՒԹԻՒՆ

ԾՐԱԳԻՐ

1

ԸՆԴՀԱՆՈՒՐ ՏԵՍՈՒԹԻՒՆ

Մարդկութեան յառաջդիմութիւնը—որ հետզգ հետէ կազատէ մարդս բնութեան ուժերու հպատակութենէն եւ անոր հլու սպասաւորը կդարձնէ երբեմնի աստւածները—չի կրնար կատարեալ նկատվէլ, ցորչափ մարդկային մտքի եւ աշխատանքի նըւաճումները հաւասարապէս չեն ծառայեր հասարակութեանը :

Բոլոր հասարակութիւններու մէջ՝ դեռ անյիշատակ ժամանակներէ ի վեր՝ մենք կտեսնենք դասակարգային բաժանումներ — իշխողներ եւ հպատակներ, կեղեքողներ եւ կեղեքողներ :

Հասարակութիւնը ամէն տեղ վերածւած է երկու անհաւասար հաստածներու .— շահագործող փոքրամասնութիւնը, իր ձևոքն առած համայնքի, ցեղի, հանրային եւ քաղաքական կեանքի ղեկը, կը ստեղծէ օրէնքներ եւ իրաւակարգեր, որոնց միջոցով կիրէ աժխատաւոր մեծամասնութեան ձեռքէն անոր արտադրած բարիքները եւ անոնք նոր զէնք կդարձնէ աւելի եւ աւելի հպատակեցնելու ու կեղեքելու համար նոյն աշխատաւորները :

Աշխատանքի կազմակերպւած շահագործման
նախնական եւ ամենակոպիտ ձեւն էր հնադարեան
ստրկութիւնը, — սիստէմ մը՝ որով աշխատաւորնե-
րու ահագին բանակներ, զուրկ մարդկային էն տար-
բական իրաւունքներէ՝ մատնւած էին իրենց տէրեւ-
րու անսահման քմահաճոյքին :

Ասոր յաջորդեց միջնադարեան նորութիւնը,
համեմատաբար աւելի մեղմ, բայց աւելի լայն շրր-
ջան ընդգրկող սիստէմ մը, ուր աւատականութիւնը
—թագաւոր ու զօրավարներ, աշխարհիկ եւ հոգեւոր
իշխանութիւններ—կազմակերպւած իրրեւ կեղեքիչ-
ներու հօր եւ համատարած բանակ մը՝ կծծէր բազ-
մամիլիօն գիւղացիութեան վաստակը, հրով եւ սրով
լոեցնելով անոր ազատազրական ամէն մէկ ձղտու-
մը :

Այդ միջնադարեան հասարակութեան մէջ քիչ
մը ազատ շունչ կքաշէին առեւտրական եւ արհեստա-
ւոր դասերը, որոնց ծառայութեանը առանձնապէս
պէտք ունէին իշխողները : Ճարտարարեստի եւ հա-
զորդակցութեան միջոցներու զարգացման հետ՝ բը-
նական տնտեսութիւնը միշտ աւելի ու աւելի կվեր-
բածէր դրամական տնտեսութեան . հնչուն դրամը
կդառնար փոխանակութեան միակ միջոցը, ուժ մը,
որուն առջեւ կիսոնարհէին պատերազմասէր, արկա-
ծախնդիր հրամանատարներ, եւ առեւտրական տար-
րը, իրրեւ այդ նոր ուժի ներկայացուցիչ, իրրեւ
միջնորդ արժէքներու փոխանակութեան, կստանար
միշտ աւելի եւ աւելի ծանրակշիռ ազդակի մը նշա-
նակութիւն պետական կեանքին մէջ եւ կվայելէր դա-
նազան առանձնաշնորհներ ու յարաբերական ազա-
տութիւն մը :

Արհեստաւոր տարրերն ալ չնորհիւ իրենց մէջ
վաղաժամ առաջ եկած էսնաֆական կազմակերպու-

թիւններուն եւ հաւաքական պայքարներուն, կկարուզանային որոշ չափով մեղմացնել իրենց վրա ծանրացած ճնշումները :

Ահա այդ տեսակ, համեմատաբար նպաստաւոր պայմաններու մէջ աճելով, հասարակութեան երկուդասերը առաջ բերին, ժամանակի ընթացքին, այն պատմական հոչակաւոր երրորդ դասակարգը, բուրժուազին, որուն վիճակւած էր, գիտակից ուժերու աջակցութեամբ, ահազին յեղաշրջում մը յառաջ բերել ընկերային—հասարակական յարաբերութիւններուն մէջ :

Հասնելով զարգացման որոշ աստիճանի մը, անընդունացաւ աւատական կարգերուն դէմ եւ սկսաւ կազմակերպւած երկարատեւ կոխւ մը : Հրապարակի ընելով յանուն ազատութեան՝ ան իր ետեւէն քաշեց նաեւ աշխատաւորներու զանգւածները : Աւատական եւ յարակից կարգերը չդիմացան անոնց միացած գրոհին եւ խորտակւեցան : Սյդ կարգերու մընացորդները, այլեւայլ համեմատութեամբ, յարատեւեցին միայն յետամնաց երկիրներու մէջ :

Աւատականութեան կապանքներէն աղատելով՝ բուրժուազին նոր դարագլուխ մը բացաւ, համաշխարհային բնաշրջումին (evolution) մէջ, հսկայական թոփչք մը տւաւ մարդկային աշխատանքին, ճարտարաբւեստին եւ առեւտուրին :

Այս ամէնը բուրժուազիին պատմական դերին դրական կողմն է : Սակայն, խորտակելով աւատական իրաւակարգը՝ նոյն բուրժուազին հաստատեց իր սեփական իշխանութիւնը : Կեղեքումի մէնաշնորհը վայրենի բիրտ ուժէն անցաւ աւելի քաղաքակիրթուժին—դրամագլխին (capital) :

Մեծ յեղափոխութեան հոչակաւոր նշանաբանները—աղատութիւն, հաւասարութիւն, եղբայրու

թիւն, որոնց համար աշխատաւորը չէր զլացեր թաւ-
փել իր արիւնը, մնացին իրրեւ պատրանք անոր հա-
մար, իսկ բուրժուազիի ձեռքը՝ իրրեւ միջոց գրա-
ւած դիրքը ամրապնդելու :

Այլապէս չէր ալ կրնար ըլլալ, ցորչափ անձեւ-
ունմիւնի կմնար մասնաւոր սեփականութեան սկզ-
բունքը, որ հիմնաքարն է ընկերային անհաւասա-
րութեան :

* * *

Քանի՛ յառաջդիմէ արհեստը, քանի՛ զարդանայ
մեքենական խոչոր արդիւնագործութիւնը, այնքան
աւելի կուժովնայ եւ կծաւալի բուրժուազիի տիրա-
պետութիւնը : Մանր արտադրիչները անկարող ըլ-
լալով մրցումի դիմանալ, հետզհետէ կզրկւին իրենց
աշխատութեան միջոցներէն եւ կխտացնեն օրակա-
նով բանով ընչազուրկներու (proletaire) շարքերը :
Արդիւնագործութիւնը կկեղըոնանայ : Դրամագլու-
խը, հարսութիւնները կամբարւին շահագործող
փոքրամանութեան ձեռքին մէջ, որ կոթնելով իր
նիւթական ուժին և ձեռքն առած քաղաքական զե-
կը—յառաջադէմ երկիրներու մէջ—կձգտի յաւեր-
ժանցել իր դիրքը, յարմարցնել ամրող ընկերային
կազմը իր դասակարգային շահերուն և զնել իր յա-
տուկ դրոշմը ընկերային բոլոր երևոյթներուն վրա :

Ռազմոյթի (militarisme) կանգուն, մշտական
զօրաբանակներու միջոցով՝ ան կապահովէ ներսը
իր տիրապետութիւնը, իսկ դուրսը՝ կը դրաւէ շու-
կաներ, իր ապրանքները արտածելու համար : Շատ
անգամ արհեստական կերպով ան ուժ կուտայ ուղղ-
մոյթին՝ աղատ դրամագլուխներու գործածութեան
նոր ասպարէզներ բանալու նպատակով :

Շահագործելով աղգի, կրօնի ու պետութեան

դաղափարները, ան միևնոյն ատեն կը կանգնի միւնչաղգային գետնի վրա և կը շահագործէ նաև միջաղպային յարաբերութիւնները :

Արւեստի հսկայական կատարելագործումները, ըստ երեսյթին, պիտի թեթևցնէին աշխատաւոր մարդուն բեռը և քիչ աշխատանքի հետ համեմատարար աւելի մեծ բաժին յատկացնէին անոր, բայց անոնք հակառակ հետեւանքներ առաջ բերին, չնորհիւ մասնաւոր տնտեսութեան սիստէմին : Աշխատանքի մէկ կարեոր մասը կը մնայ անվճար . բաշխումի վայրկենին աշխատաւորը կ'ստանայ իր արտադրուած արժէքներուն չնչին մասը միայն :

Մեքենաներու ներմուծման հետ հետզհետէ քիչշցաւ աշխատաւոր ձեռքերու խնդրանքը, որոնք վաճառքի նիւթ դարձած են չուկայի ապրանքի պէս : Աշխատաւորին գործօն մասնակցութեան բաժինը՝ արդիւնագործութեան մէջ՝ միշտ աւելի և աւելի կրծատեցաւ :

Կեղրոնացնելով արդիւնագործութիւնը, ընշաղութկ դարձնելով մանր արտադրիչները, դրամոյթը (capitalisme) քայլայման մատնեց աշխատաւորներու ընտանիքները, գործարան մզեց կիները և նոյնիսկ մանուկները, պարագայ մը որ չէր կրնար չը նպաստել օրավարձի նւազման :

Անսանձ շահագործումներէ ու հարստահարութիւններէ զատ, նոյն աշխատաւոր ընդհանրութեան վզին կը ծանրանան իրենց աւերիչ ժանտութեամբ՝ հարկերը, մաքսերը, մենալաճառները, ըմպելիքի տուրքերը և յարաճուն ռազմոյթի պատուհասը, ուրուն էական նպաստակն է ամբապէս կուել ստրկութեան շղթաները աշխատաւոր ժողովուրդներուն :

Ոչ նւազ աղիտարեր եղաւ դրամոյթը աշխատաւոր դասակարգին համար՝ իր ներքին ճակատագը

բական հակասութիւններով :

Շնորհիւ մասնաւոր տնտեսութեան սխստէմին և գործարանատէրերու տենդու մըցակցութեան՝ դըւրամատիրական արդիւնագործութիւնը անկարող է հաւասարակշռութիւն պահպանել մատուցումին եւ խնդրանքին միջև (offre et demande)։ ատկէ առաջ կուզայ արդիւնագործական անիշխանութիւն, որուն էական յատկանիշերն են՝ պարբերական տագնապաներ, միահամուռ անդործութիւն, սնանկութիւններ, գոյութեան ընդհանուր անապահովութիւն եւն։ Կ'ստեղծւի վիճակներու ցայտուն հակապատկեր մը։ մէկ կողմէ աշխատաւոր զանգւածներու մերկ, կէսա անօթի գոյութիւն, միւս կողմէ դիզւած առասպելական հարստութիւններ, որոնց մէջ կը լողայ առանձնաշնորհեալ փոքրամամութիւնը, և որոնք սակայն նոյն այդ աշխատաւորներու ստեղծագործութիւններն են։ Այսպէսով բուքժուական հասարակութեան մէջ ծայրայեղ թշւառութիւնն առաջ կուզայ ծայրայեղ առատութենէն խել։

Դրամագլխի կեդրոնացումը և անոր հետ կապւած աշխատաւոր խաւերուն ընչազուրկ դառնալը տարբեր երկիրներու մէջ տարբեր ուժով և տարբեր չափով կը կատարւին, համաձայն այդ երկիրներու առանձնայատուկ՝ բնական, մշակոյթային (cultural), քաղաքական սկայմաններուն։ Այդ վերջիններու շարքին մէջ առաջնակարգ տեղ կը բռնէ հողագործութեան զարգացման ծաւալն ու աստիճանը։

Գիւղական աշխարհին մէջ բնաշրջումը տարբեր բնոյթ ունի։ Հոն հողի կեդրոնացում նկատելի չէ։ Սակայն դրամատիրութեան ժխտական ներգործութիւնը հոն ալ կ'արտայայտւի գիւղացիական այն տարբերու ճակատագրին վրա, որոնք կ'ապրին իւրենց սեփական աշխատանքի արդիւնքով, ըլլան ա-

նոնք գիւղական ընչազուրկ աշխատաւորներ, կամ
իրենց կտոր մը հողին վրա աշխատող գիւղացիներ:

Մինչդեռ ճարտարարւեստական աշխարհին մէջ
բանւորութիւնը ուղղակի՝ անմիջական կերպով կը
շահագործւի դրամատէրերու կողմէ, գիւղին մէջ՝
ապրանքներու փոխանակութեան շրջանին տեղի ու-
նեցող անուղղակի շահագործումէն զատ, մենք կը
տեսնենք նաև ուղղակի շահագործում հողատէրերու
և գիւղական դրամատէրերու կողմէ կապալի, օրա-
վարձի և փոխառութեան ձեռվ:

Այս ամենուն չնորհիւ դասակարգային հակա-
մարտութիւն առաջ կուգայ նաև գիւղին մէջ, ուր
մէկ կողմը կանգնած է ձրիակեր շահագործողներու
դասակարգը՝ հողատէրն ու բուրժուան, իսկ միւս
կողմը՝ իր քրաինքով ապրող աշխատաւոր գիւղացիւ-
ութիւնը:

Երելով այդ երկու դասակարգերուն յարաբերու-
թիւնները, դրամատիրական կարգերը անուղղակի
կծանրանան ուրեմն նաև աշխատաւոր գիւղացիու-
թեան լայն խաւերուն վրա, —ծանրակշիռ հանգա-
մանք մանաւանդ այն երկիրներուն մէջ, ուր գիւղա-
ցիութիւնը կը կազմէ ազգաբնակութեան դերակշիռ
տարրը:

Այդպէսով ոչ միայն արդիւնագործական ընչա-
զուրկ աշխատաւորութիւնը, այլ և աշխատաւոր գիւ-
ղացիութիւնը երթալով անհաշտելի ներհակութեան
մը մէջ կգրւին տիրող բուրժուա դրամատիրական
կարգերուն դէմ:

Երկու աշխարհներու մէջ տարբեր բնոյթ ունի
նաև դրամատիրութեան շինարար գերը: Ճարտա-
րարւեստի աշխարհին մէջ դրամատիրութիւնը՝ հա-
մայնացնելով աշխատանքը, տալով բոլոր գործառ-
նութիւնները վարձու աշխատաւորներու ձեռքը, հե-

ուացնելով դրամատէրերը արդիւնագործութեան մէջ գործօն մասնակցութենէ, նպաստելով ընչազորեկնեւ րու ինքնամանաչութեան աճման ու կազմակերպման՝ առով իսկ կնախապատրաստէ ապագայ ընկերվար հասարակութեան նիւթական եւ հոգեբանական խարիսխները եւ կհարթէ անոնց իրագործումի ճամրան :

Այսպէսով, ճարտարարւեստական շրջանին մէջ, աշխատանքը համայնացած ըլլալով արդէն, ընկերվարութեան իրագործումը կը պահանջէ միայն արդիւնագործութեան միջոցներուն համայնացումը, մինչդեռ գիւղական աշխարհին մէջ, ուր չի նկատւիր հոգեբու կեղրոնացում՝ ընկերվարութեան իրագործումին համար անհրաժեշտ է համայնացնել թէ՛ արդիւնարերութեան միջոցները—հող, մեքենաներ ևն. —և թէ՛ աշխատանքը՝ գործակցական (cooperatif) ձեռնարկներու միջոցով :

Հասարակութեան ընդհանուր բնաշրջումին այդ ընթացքը առաջ բերելով մրցում անհատ շահագործողներուն միջն, մրցում տարբեր երկիրներու շահագործող դասակարգերուն միջն, պայքար դրամատէրերուն և աշխատաւորներուն միջն, պայքար շատ անգամ նոյնիսկ աշխատաւորական խումբերու միջն, պատճառ կը դառնայ մարդկային այնչափ կորովի ապարդիւն վատնումին : Մարդկութեան մէկ մասին բաժին ընելով մաշող աշխատանքը, միւսին՝ պարապ և զւարճամոլ կեանքը, թողնելով որ մինքայքայւի թշւառութենէն, իսկ միւսը ապասերի հարըստութենէն, ան կը հանդիսանայ հզօր խոչնդուամը մարդկային յառաջդիմութեան գործին :

Դրամատիրութեան սնանկութիւնը ակներե է. մշակութային յառաջդիմութեան դրօշակը իրապէս

անցած է արդէն աշխատաւոր դասակարգերուն ձեռաքը, որոնք դրամատիբութեան կը հակադրեն ընկերվարութիւնը :

Ընկերվարութեան վարդապետութեամբ առաջնորդւելով, աշխատաւոր դասակարգերը կը ձգտին վերցնել դրամատիբական մասնաւոր սեփականութիւնը և անոր հետ կապւած անիշխանական արդիւնագործութեան սիստէմը, հասարակութեան ընդհանուր սեփականութիւն դարձնել աշխատանքի՝ արդիւնագործութեան միջոցները—Հողը, հանքերը, գործարանները, հաղորդակցութեան ու փոխանակութեան միջոցները և այլն—բովանդակ տնտեսութիւնը կազմակերպել ու դեկավարել հաւաքարար (collectivement) :

Այդ հսկայական յեղաշրջումը կը կատարէի յօդում ոչ միայն աշխատաւորներու, այլ և բովանդակ մարդկութեան : Բայց որովհետեւ ան կը հակասէ ունեւոր, իշխող դասակարգերու անմիջական շահերուն, աշխատաւոր ընդհանրութեան ազատագրումը կարող է իրապէս կատարւիլ նոյն աշխատաւորներու ճիգերով, անոնց հաւաքական պայքարով : Այդ պայքարին մէջ կը միանան և ձեռք ձեռքի կուտան՝ քաղաքներու արդիւնաբերական ընչազուրկները—աշխատաւոր դիւղացիութիւնը և յեղափոխական մտաւորականները :

Ինչպէս յաճախ դիտւած է պատմութեան ընթացքին մէջ, այսօր ալ էն յատաջադէմ հոսանքին՝ ընկերվարութեան կողմը կ'անցնին—երբեմն նոյնիսկ իշխող դասակարգերէն—առաւելապէս դիտակից տարրերը, մտաւոր և բարոյական հեղինակութիւնները, որոնք ուժեղ աջակիցը կը հանդիսանան աշխատաւոր ժողովրդեան դատին, անոր վարած պայքարին :

Այդ կոիւը մղւած է ամբողջ պատմութեան ընթացքին մէջ. հարստահարւած աշխատառութիւնը ըմբոստացած է յաճախ տիրող ոչժիմին դէմ, բայց անկազմակերպ, տարտամ վիճակի մէջ, առանց նալատակի պարզ գիտակցութեան և առաջնորդելով ուրիշ տարերէ ու ծառայելով գլխաւորապէս անոնց շահերուն։ Միայն այն ատեն, երբ աշխատաւոր դասակարգերը իրենց արիւնով նւաճեցին քաղաքական և քաղաքացիական քիչ թէ շատ ընդարձակ իրաւունքներ, երբ անոնք ձեռք բերին հնարաւորութիւնը՝ որոշ չափով օգտելու քաղաքակրթութեան ընդհանուր հոսանքէն—այն ատեն միայն անոնք սկսան իրենց սեփական քաղաքականութիւնն ունենալ. անոնց ձգտումները, որոնք մինչեւ այն ատեն անկերպարան էին, արտայայտեցան դասակարգային շահերու ներհակութեան աւելի և աւելի յստակ գիտակցութեամբ անոնց ըմբոստացումները՝ որոնք մինչեւ այն ատեն տարերային ու բաժնւած էին՝ վերածւեցան կազմակերպւած ու սիստէմաթիք պայքարի, աշխատաւորական ուրոյն նշանաբաններով։

Ընկերվարական շարժումը իր էութեամբ միջազգային է։ Բոլոր երկիրներու աշխատաւոր տարերը, իրեւ միևնոյն տնտեսական սիստէմի զոհեր, պէտք է միանան և արդէն կը միանան համաշխարհային հզօր եղբայրակցութեան մը մէջ, ու գիտակ իրենց բարձր առաքելութեան, վստահ իրենց յաղթանակի վրա, կդիմեն կազմակերպւած պայքարի ճամբով դէպի նոր, ընկերվարական կարգերը։

Աշխատաւոր ընդհանրութեան կազմակերպւող եւ յարաճուն ուժին՝ բուրժուազին կհակադրէ իր յատուկ քաղաքականութիւնը, որ կտարբերի միջա-

վայրի պայմաներուն համեմատ : Այն երկիրներուն
մէջ, ուր ինքը գերիշող է, ուր իր ձեռքն է քաղա-
քական դեկը, ինքը բացարձակ կոիւ կմզ աշխա-
տաւրական բանակին դէմ, միացնելով իրեն հետ
ըեկորները աւատական իշխանութեան, որու դէմ կը
հանէր ատեն մը նոյն աշխատաւոր զանգւածները :
Խոկ այն երկիրներուն մէջ, ուր աշխատաւորները ըս-
թափած են դրամատիրութեան դեռ մատաղ հասա-
կին մէջ եւ սկսած են իրենց կոիւը միաժամանակ շա-
հագործումի բոլոր ձեւերուն դէմ, բուրժուազին ըլ-
լալով թշնամի թէ՛ միապետական ոէժիմին եւ թէ՛
աշխատաւրական շարժումին՝ մերթ կիրախուսէ
աշխատաւոր բանակը միապետութեան դէմ, որու
գոյութեամբ կաշկանդւած կտեսնէ իր զարգացումը,
մերթ ալ թեւ կուտայ նոյն միապետութեան, երբ
աշխատաւորներուն յաջողութիւնները կսպառնան
խախտել իր հիմնական դիրքերը :

Դասակարգային պայքարը կրարդանայ մասնա-
ւորապէս այն երկիրներուն մէջ, ուր գերիշող ազ-
գութեան ներկայացուցիչները, իրենց ձեռքն առնե-
լով պետական եւ ընկերային բոլոր հաստատութիւն-
ները, կճնչեն թոյլ ազգերը եւ առհասարակ փոքրա-
մասնութիւն կազմող միութիւնները :

Զրկելով ընկերային եւ պետական կեանքի գոր-
ծօն մասնակցութեան հնարաւորութենէն, տուժե-
լով թէ նիւթապէս եւ թէ մշակութապէս, այդ թոյլ
միութիւնները ետ կմնան յառաջդիմութեան ճամ-
բուն վրա, եւ այդպէսով կղանդաղի համամարդկա-
յին զարգացման հետ աշխատաւորին ընկերվարական
ազատագրումը, քանի որ այդպիսով խոչընդուռ կը
դրւի, մէկ կողմէն՝ դասակարգային հակամարտու-
թեան զարգացումին՝ ճնշւած ազգութիւններու մէջ
միւս կողմէն՝ ճնշող ու ճնշող ազգերուն պատկա-

նող աշխատաւոր դասակարգերուն համերաշխութեանը :

Փոքրիկ, նւաճւած մշակութային միութիւններու մէջ աշխատաւոր տարրերը պայքարելով հանդերձ իրենց ցեղակից բուրժուազիի դէմ, միեւնոյն ատեն նախանձախնդիր են իրենց ուրոյն ազգային մշակոյթին (culture), որ ստեղծած է ժողովրդական առանձնայատուկ հոգեբանութիւն մը :

Ազգային ճնշումներու դէմ մղւող պայքարը աւելի յամառ ու յաղթանակող կդառնայ, չնորհիւ այն հանդամանքին, որ հիմա այդ մշակոյթի ներկայացուցիչները միայն ազգին «վերին» խաւերը չեն. ազգային մշակոյթը կթափանցէ ժողովրդական լայն զանգւածներու մէջ եւ կդառնայ անոնց սեփականութիւնը եւ անոնց յառաջդիմութեան միջոցը: Ժողովրդական զանգւածները իրենց անշարժ դրութենէն նետւելով գիտակից կեանքի ասպարէզը, երեւան կհանեն թաքուն ուժեր՝ մշակութային—ընկերային աշխարհին մէջ:

Փափաքելով հանդերձ ոչնչացնել բոլոր սահմաններն ու խորութիւնները ազգերու միջեւ, ձըգտելով հանդերձ կազմակերպել մէկ, ներդաշնակ, ամբողջական մարդկութիւն մը, այսօրւան կտորկտոր, բաժան-բաժան ու հակամարտ աշխարհին տեղ,— ընկերութեան իրագործումը չի պահանջեր արդի ուրոյն ազգայնական միութիւններուն իսպառ ձուլումը. միութիւններ, որոնք իրենց պատմականորէն ժառանգած բեղմնաւոր մասնայատկութիւններով կարող են միայն ճոխացնել ապագայ ընկերվար մարդկութիւնը:

* * *

Աշխատաւոր դասակարգերու պայքարը յանուն

ընկերվարութեան առաջ կտարւի բոլոր հնարաւոր
միջոցներով—տնտեսական եւ քաղաքական գետնի
վրա : Օգտւելով խոչոր տնտեսութեան ներկայացու-
ցած առաւելութիւններէն, գործարանի բանւորները
կձգտին կազմակերպւիլ, առաջ տանիլ տնտեսու-
թեան բոլոր բարդ գործառնութիւնները միմիայն ի-
րենց ուժերով եւ իրագործել տակաւին ներկայ կար-
գերուն մէջ—գործակցութիւններու, արդիւնաբերող
եւ սպառող ընկերութիւններու միջոցով—համայնա-
կան սեփատիրութեան ու տնտեսութեան քանի մը
ձեւերը :

Գործակցական աշխատանքը կտարածւի նաև
դիւղական աշխարհին մէջ, ուր միեւնոյն ատեն կկա-
տարելագործւին՝ արդէն շատոնց գոյութիւն ունե-
ցող համայնական սեփատիրութեան ու աշխատանքի
տեսակները : Գործակցութիւնները ոչ միայն միջոց
են որոշ չափով ապահովելու աշխատաւորներու առ-
օրեայ շահերը, այլև ճամբայ մը՝ գործնականապէս
համայնական ոգիով դաստիարակելու աշխատաւոր-
ները, պատրաստելու անոնք ապագայ ընկերվար
կազմակերպութեան համար :

Աշխատաւորական կուսակցութիւնները միւս
կողմէ անդադար պայքար կմզեն քաղաքական գետ-
նի վրա, քանի որ տիրող անհաւասարութիւնը կպահ-
պանուի գլխաւորապէս բուրժուազիի քաղաքական
գերիշխանութեամբ :

Օգտւելով անցեալի փորձերէն եւ իրենց յարա-
նուն ազգեցութենէն, անոնք կպատրաստին ձեռք ձը-
ղել քաղաքական զեկը, որպէսզի ստեղծեն նպաստա-
ւոր պայմաններ իրենց ընկերվարական իդէալին իւ-
րադորձման համար—ոամիկավարացնել ամենալայն
համեմատութեամբ քաղաքական կազմակերպութիւ-
նը, վերածել պետութիւնները դաշնակցական-ոամ-

Խոհանոր

կավար հանրապետութիւններու , ապակեղբոնացման
էն ընդարձակ հիմերու վրա եւ իրազործել արտա-
սեփումի (expropriation) միջոցով ընկերվարական
կարգերը :

• Ընկերվարութիւնը կհաւաքէ իր դրօշին տակ ամ-
սող տառապող մարդկութիւնը , կուելու համար միջ
ազգայնօրէն կազմակերպւած շահագործումի ու բըռ
նակալութեան դէմ :

Ան կհարթէ ճամբան անհատին եւ ընկերային
միութիւններուն դէպի ազատ , բազմակողմանի եւ
ներդաշնակ զարգացումը . հրապարակ կհանէ այն
բոլոր դրական ուժերը , որոնք պահւած կմանան այլ-
եւայլ ձեւերով արտայայտող ճնշումներու տակ :

Ան կիորտակէ այն բոլոր անջրակետները , որոնք
կչերտաւորեն ժամանակակից հասարակութիւնը ,
բաժնելով ան հպատակ ու հակամարտ , թշնամացած
դասակարգերու :

Ան վերջ կդնէ շահագործման բոլոր յայտնի ու
դիմակաւոր ձեւերուն . կմիացնէ բոլոր ժողովուրդ-
ները հոյակապ Դաշնակցութեան մը մէջ , խաղաղ աշ
խատակցութեան գետնի վրա . կառաջնորդէ դէպի
իսկական թագաւորութիւնը «ազատութեան , հաւա-
սարութեան եւ եղբայրութեան» :

Ու բոլոր տանջւածներու եւ հալածւածներու այդ
իդէալը չի ներկայանար մեղ իբրեւ անդետին , ան-
խարիսխ ցնորք մը , այլ իրազործելի հնարաւորու-
թիւն մը , որովհետեւ ան կրդիսի ոչ միայն իբրերու ա-
ռարկայական , տարերային ընթացքէն , այլ կթելա-
դըրւի հրամայաբար՝ պատմութիւնը առաջ շարժող
զանդւածներու եւ անհատներու կամքէն , խղճէն ու
բանականութենէն :

Պատմութեան առարկայական եւ ենթակայական
ստեղծագործող ուժերու դաշնադրութեան մէջ է դը-

ըաւականը այն անտարակուսելի յաղթանակին, որը
պիտի տանի աշխատաւոր մարդկութիւնը թէ բնու-
թեան կոյր ուժերուն եւ թէ հասարակութեան մէջ
դարերով թագաւորող ստրկութեան եւ անարդարու-
թեան դէմ :

ՔԱՂԱՔԱԿԱՆ ՊԱՀԱՆՁՆԵՐ

Հ. Յ. Դաշնակցութիւնը, իրրեւ յեղափոխական եւ ընկերվարական կուսակցութիւն, կճգտի պաշտպանել հայ աշխատաւոր զանգւածներուն բովանդակ չահերը, թէ՝ տնտեսական-դասակարգային, թէ՝ մարդկային քաղաքական եւ թէ ազգային-մշակութային, նպատակ ունենալով ժողովուրդին ձեռքը տալ կառավարութեան ղեկը եւ արդի միապետական ու դրամատիրական կարգերը փոխարինել լայն ռամկավարութեամբ եւ արդիւնաբերութեան միջոցներու համայնացումով :

Նեկավար ունենալով ընկերվարական սկզբունքները, ձգտելով մեր նպատակին ոչ թէ քաղաքական անջատման ճամրով, այլ պետական կարգերու վերակազմութեամբ, զաշնակցական հիմերու վրա. Եւ նկատի ունենալով մեր բնակած վայրերու իրական ու հասունցած պէտքերը՝ կուսակցութիւնը կառաջարկէ հետեւեալ պահանջները.

ԹԻՒՐՔԱ-ՀԱՅԱՍՏԱՆ

1) Թիւրքա-Հայաստանը կկազմէ Օսմանեան

Աւհմանաղրական Պետութեան անրաժան մասը, հիմնւած տեղական լայն ինքնավարութեան վրա :

Օսմանեան կեդրոնական կառավարութիւնը, հիմնւած ժողովրդական ռամկավար ներկայացուցչութեան սփառէմի վրա, կվարէ պետութեան ընդհանուր գործերը—արտաքին քաղաքականութիւն, զօրք, դրամ, մաքս, քղբառարութիւն եւ հեռագիր—պետական միւս գործերը գգելով տեղական ինքնավար օրջաններուն :

2) Թիւրքա-Հայաստանը, Թիւրքիոյ միւս շրջաններուն պէս, իրրեւ օսմանեան Դաշնակցական պետութեան մէկ մասը, ազատութիւն կվայելէ իր ներքին գործերուն մէջ : Անոր բոլոր շրջաններն ու համայնքները ներքին խնդիրներու մէջ նոյնպէս կը վայելեն տեղական ինքնավարութիւն :

3) Թիւրքա-Հայաստանի թէ կեդրոնական եւ թէ առանձին շրջաններու օրէնսդրական-վարչական բոլոր մարմինները պէտք է ընտրւին ընդհանուր, հաւասար, ուղղակի, զաղտնի եւ համեմատական քըսէարկութեան սկզբունքով, առանց ցեղի, կրօնի եւ սեոի խորութեան :

ԱՆԴՐԿՈՎԿԱՍ

4) Անդրկովկասեան ռամկավար հանրապետութիւնը կկազմէ Ռուսաստանի դաշնակցական հանրապետութեան անրաժան մասը, կապւած անոր հետ պետական ինքնավաշտապանութեան, դրամական սիստէմի, մաքսի եւ արտաքին քաղաքականութեան խնդիրներով :

5) Ներքին բոլոր գործերուն մէջ Անդրկովկասեան հանրապետութիւնը անկախ է, ունի իր կեդրոնական երեսի. Ժողովը, ընտրւած՝ ընդհանուր, հաւասար,

ուղղակի, գաղտնի եւ համեմատական քէշարկութեան դրութեամբ։ Իւրաքանչիւր անդրկովկասցի, որ անցուցած է 20 տարին, առանց սեռի խտրութեան իրաւունք ունի ընտրելու։

6) Անդրկովկասը Ռուսաստանի համապետական երեսփ. Ժողովին կըրկէ իր ներկայացուցիչները՝ ընտրւած քէշարկութեան նոյն դրութեամբ։

7) Անդրկովկասեան հանրապետութիւնը կրաժնը նահանգներու (canton), որոնք կվայելեն տեղական ամենալայն ինքնավարութիւն։ Համայնքները նոյնպէս կվայելեն ինքնավարութիւն՝ դուս համայնական խոսքիրներու մէջ։

8) Նահանգներու սահմանները որոշած ատեն՝ պէտք է նկատի առնել ազգարնակութեան տեղագրական եւ մշակութային մասնայատկութիւնները, ըստ կարելոյն միաձոյլ համախմբումներ կազմելու համար։

9) Օրէնսդրական, դատաստանական, վարչական բոլոր մարմինները, ինչպէս եւ պաշտօնեանները կընտրւին ժողովրդեան կողմէ, վերեւ յիշւած ընտրական դրութեամբ։

10) Ուղղակի օրէնսդրութիւն, համաժողովրդական քէշարկութեան (referendum) եւ նախաձեռնութեան իրաւունք։

ԸՆԴՀԱՆՈՒՐԻ ՊԱՀԱՆՁՆԵՐ ԵՐԿՈՒ ԵՐԿԻՐՆԵՐՈՒ ՀԱՄԱՐ

11) Կատարեալ ազատութիւն խօսքի, մամուլի, խղճի, միութիւններու եւ գործադուլներու։

12) Եկեղեցիի բաժանումը պետութենէն։ Կրօնքը անհատական խղճի գործ է։

13) Ազգերու ինքնորոշման իրաւունք, կատար-

հալ հաւասարութիւն բոլոր ազգերու ու կրօնական համայնքներու : Ոչնչացում դասակարգային բոլոր առանձնաշնորհումներուն :

14) Անբոնաբարութիւն անձի , բնակարանի , նաև մակագրութեան :

15) Ազատութիւն տեղափոխութեան : Խափանում անցագրերու :

16) Ընդհանուր , պարտագիր եւ ձրի սկզբնական ուսում պետական հաշով : Դպրոցներու աշխարհականացում : Դասաւանդութիւն մայրենի լեզուվ :

17) Զրի դատավարութիւն :

18) Մշակութային նպատակներու յատկացւած պետական , նահանգային եւ ըրջանային պիտոնէի բաժանում առանձին ազգութիւններու միջեւ , համաձայն ազգաբնակութեան քանակին , անոր գործադրութիւնը , ինչպէս եւ իւրաքանչիւր ժողովրդի մշակութային գործերու զեկավարումը յանձնելով ընտրւած ուրոյն մարմիններու :

19) Համայնական եւ նահանգային բոլոր պաշտօնեաններու համար պարտաւորիչ է տեղական երկու դլիսաւոր լեզուներու հմտութիւնը . իսկ ընդհանուր պաշտօնեաններու համար՝ երեք դլիսաւոր լեզուներունը : Պետական լեզուն պարտաւորիչ է :

20) Քաղաքագորք՝ միլիս՝ մշտական գօրքի փխարէն : Իւրաքանչիւր առողջ քաղաքացի պարտաւոր է որոշ ժամանակով պաշտօնավարել , իբրեւ քաղաքագոր : Քաղաքագորքը կպաշտօնավարէ իր ըրջանի սահմաններուն մէջ : Ան կենթարկւի ընդհանուր գօրահաւաքի՝ միայն այն պարագային , երբ վտանգ մը կսպառնայ բովանդակ պետութեան ազատութեանն ու ամբողջութեանը :

Ամէն քաղաքագօր՝ միլիսին , իր ծառայութեան ընթացքին մէջ , հոռդ (քուակ) կստանայ

աշխատաւորական նւազագոյն օրավարձի չափով :

ՏՆՏԵՍԱԿԱՆ ՊԱՀԱՆՁՆԵՐ

- 1) Հողերու համայնացում :
- 2) Հողը կդադրի մասնաւոր սեփականութիւն եւ վաճառքի նիւթ ըլլալէ :
- 3) Արքունի, կալւածատիրական, կրօնական հիմնարկութիւններուն պատկանող, ինչպէս եւ բուլոր այլ տեսակի հողերը դարձնել ժողովրդի սեփականութիւն :
- 4) Հողէն օգտւելու իրաւունքը կպատկանի աշխատաւորներու, — աշխատաւորական սկզբունքով — իրաքանչիւր աշխատաւոր իրաւունք ունի այն չափով հող մշակելու, որ կարողանայ, առանց ուրիշի աշխատանքը շահագործելու, բաւարարութիւն տալ իր եւ իր ընտանիքի սպառողական պահանջներուն :
- 5) Հողի տնօրինութիւնը եւ անկէ օգտւելու ձեւ և բուն մանրամասն որոշումը կպատկանի գիւղական եւ քաղաքային համայնքներուն :
- 6) Կեղբոնական եւ շրջանային վարչութիւններ

ըուն կվերապահւի իրաւունքը՝ պարբերական հողարաժանություններու միջոցով՝ իրագործել հողերու միջւրը ջանային եւ միջհամայնական հաւասարեցումը:

7) Համայնքէն ընտրւած մարմիններու կարգադրութեան կյանձնւին համայնական ընդհանուր կարեւութիւն ունեցող գետինները (անտառ, արօտ) ու ջրերը (շարժոյժ, ձկնորսութիւն) եւ ատոնցմէստացող հասոյթները կգործածւին համայնքի մըշակութային ձեռնարկներու համար:

8) Հանքերը, ինչպէս նաեւ արտաքոյ կարգի արժէք ունեցող բնական ուրիշ հարստութիւնները կհամարւին պետական սեփականութիւն, եւ անոնց հասոյթները կգործածւին ընդհանուր ժողովրդական—մշակութային նպատակներու համար:

9) Խափանում անուղղակի հարկերու (պերճանքի առարկաներէ զատ):

10) Յառաջատուական (progressif) տուրք եկամուտի եւ ժառանդութեան: Հարկէն բոլորովին աղատել որոշ չափէ մը պակաս հասոյթ ունեցողները:

11) Ոչնչացում հովանաւորիչ մաքսի:

12) Պետական ամենամատչելի վարկ (credit):

Անմիջական խափանում օլամի, բէզարի եւ նման չվարձատրւող աշխատանքներու:

13) Պետական ապահովագրութիւն, երաշտի, կարկուտի, մարախի, հեղեղի եւ ուրիշ նման պատահարներու դէմ:

14) Համայնական կազմակերպում այն բոլոր ձեռնարկներուն՝ ինչպէս ճամբաներ, լուսաւորութիւն, փուռ, սպանդանոց, հիւրանոց եւայլն, ուրոնց շահագործումը ժողովրդական նշանակութիւն ունի:

15) Զարդացում՝ սպառողական, արդիւնաբերական եւ գործակցական ուրիշ բնոյթ ունեցող ձեռնարկներու:

16) Օրական 8 ժամւան աշխատանք բանւորնեներու համար, թէ քաղաքներու եւ թէ գիւղերու մէջ: Առողջապահական տեսակէտով՝ առանձնապէս վտանգաւոր ու վնասակար գործերու մէջ՝ աւելի պակաս:

17) Մահմանում նւազագոյն օրավարձի քաղաքներու եւ գիւղերու մէջ:

18) Աշխատանքի օրէնսդրական հովանաւորում գիտական, առողջապահիկ պահանջներու համեմատ: Խափանում՝ գիշերային աշխատանքի (բացառութեամբ այն աշխատանքներուն, որոնց արւեստական բնոյթը ընդմիջում չի ներեր):

19) Խափանել կիներու եւ մանուկներու գիշերային աշխատանքը: Կիները աղատ պէտք է ըլլան տշխատանքէ՝ ծննդարերութենէ վեց շաբաթ առաջ և վեց շաբաթ ետքը: Արդիլել մանուկներու աշխատանքը մինչեւ 15 տարու, իսկ 15-էն 18 սահմանափակել օրական 6 ժամով: Վեցցնել պայմանաժամէ դուրս աշխատանքը: Արդիլել տուղանքի ձեւին տակ օրավարձի նւազեցումը:

20) Կիրակնօրեայ լիակատար հանդիսաւ: Մահմէտականներու համար՝ ուրբաթ օրը:

21) Գործարանական վերատեսչութեան ընտրութիւնը՝ բանւորներու կողմէ: Բանւորներու մասնակցութիւն գործարաններու ներքին վարչական գործերուն:

22) Բանւորներու ապահովագրում՝ դժբախտ պատահարներու, հիւանդութեան, ծերութեան եւ անգործութեան հանդէպ, պետութեան եւ գործատէրերու հաշլով:

23) Զրի դարմանում : Արհեստային (technique)
ձրի աջակցութիւն :

24) Աշխատանքի սակարաններ :

Դաշնակցութեան իւրաքանչիւր գործելավայրի
(Թիւրքիա , Կովկաս , Պարսկաստան) ռայոնական
ժողովները կմշակեն պլատֆորմ իրենց ընթացիկ եւ
անմիջական պահանջներու համար :



